

STRATEGAETH BUDDSODDI ADDYSG CAERDYDD 2024 - 2033 DOGFEN GRYNO 2026

DARPARIAETH ARBENIGOL I DDYSGWYR CYNRADD AC
UWCHRADD AG ANGHENION DYSGU CYMHLETH

9 CHWEFROR 2026 – 26 MAWRTH 2026



Gellir darparu'r ddogfen hon mewn Braille.
Mae fersiwn lawn o'r ddogfen hon ar gael yn:

www.caerdydd.gov.uk/cynigionysgolionADY

Gellir darparu gwybodaeth mewn ieithoedd cymunedol eraill hefyd os oes angen
Cysylltwch â ni ar **029 2087 2720** i drefnu hyn



**STRONGER
FAIRER
GREENER**



Beth yw pwrpas y llyfryn hwn?

Mae'r llyfryn hwn ar gyfer rhieni/gofalwyr, staff ysgolion, llywodraethwyr ysgolion ac unrhyw un sydd â diddordeb mewn addysg yng Nghaerdydd.

Mae'r Cyngor am wneud newidiadau i'r ddarpariaeth ar gyfer dysgwyr cynradd ac uwchradd sydd ag Awtistiaeth a/neu Anghenion Cyfathrebu Cymdeithasol.

Rydym am i bawb ddeall yr hyn sy'n cael ei gynnig, fel y gallwch ddweud eich barn wrthym am y newidiadau.

Mae'r llyfryn hwn yn fersiwn gryno o'r ddogfen ymgynghori ar y newidiadau hyn. Gallwch ddod o hyd i'r ddogfen ymgynghori yn [Darpariaethau Anghenion Dysgu Ychwanegol \(ADY\)](#)

Beth rydyn ni'n cynnig ei wneud?

I ateb y galw am leoedd arbenigol i ddysgwyr ag Anghenion Dysgu Cymhleth, cynigir:

- Sefydlu Canolfan Adnoddau Arbenigol â 10 lle i ddysgwyr ag Anghenion Dysgu Cymhleth yn Ysgol Gynradd Adamsdown o fis Ionawr 2027 yn yr adeiladau presennol
- Sefydlu Canolfan Adnoddau Arbenigol ar gyfer dysgwyr ag Anghenion Dysgu Cymhleth, â lle i 20, yn Ysgol Gynradd Pencaerau o fis Ionawr 2027 yn yr adeiladau presennol
- Sefydlu Canolfan Adnoddau Arbenigol Anghenion Dysgu Cymhleth ag 20 lle yn Ysgol Gynradd Peter Lea o fis Ionawr 2027 yn yr adeiladau presennol
- Cynyddu'r nifer dynodedig o leoedd yn Ysgol Arbennig Meadowbank o 98 i 110 o fis Ionawr 2027.
- Cynyddu capasiti Ysgol Arbennig Tŷ Gwyn o 240 o leoedd i 300 o leoedd, gan ddefnyddio'r adeiladau presennol a'r adeilad gwag yn Ysgol Arbennig Riverbank, Vincent Road, Trelái ar gyfer cyfnod pontio o fis Ionawr 2027. Byddai'r ysgol estynedig yn trosglwyddo i adeilad newydd ar safle Tŷ Glas yn Llanisien gyda chynnydd pellach mewn capasiti i 320 o leoedd o fis Medi 2030.
- Cynyddu capasiti Ysgol Uwchradd Woodlands o 240 i 300 o leoedd o fis Ionawr 2027. Byddai'r ysgol ar draws dau safle gan gynnwys safle campws y Tyllgoed a safle campws presennol Vincent Road. Byddai capasiti'r ysgol yn cael ei gynyddu ymhellach i 360 o leoedd o fis Medi 2032 ar ôl cwblhau'r adeilad newydd ar safle campws Vincent Road.

Mae'r Cyngor hefyd yn ymgynghori ar gynigion ar wahân i gynyddu'r ddarpariaeth ar gyfer dysgwyr sydd ag:

- Awtistiaeth/Anghenion Cyfathrebu Cymdeithasol
- Anghenion Iechyd a Lles Emosiynol

Gallwch ddod o hyd i fanylion am y cynigion hyn yn [Darpariaethau Anghenion Dysgu Ychwanegol \(ADY\)](#)

Ble gallaf gael rhagor o wybodaeth?

- Mae'r ddogfen ymgynghori hon ar gael ar wefan Cyngor Caerdydd yn [Darpariaethau Anghenion Dysgu Ychwanegol \(ADY\)](#)
- Os na allwch gael gafael ar y wybodaeth ar-lein, gallwch ofyn am gael copi caled o'r ddogfen ymgynghori hon drwy'r post. Gallwch ofyn am gopi drwy e-bostio ymatebionysgolion@caerdydd.gov.uk neu drwy ffonio **029 2087 2720**.

- Byddwn yn dweud wrth deuluoedd sydd â phlant yn yr ysgolion dan sylw sut y gallant gael gafael ar gopi o'r ddogfen.
- Byddwn yn cynnal cyfarfodydd cyhoeddus a sesiynau galw heibio i unrhyw un fynd iddynt lle bydd y newidiadau yr ydym yn eu cynnig yn cael eu hesbonio. Bydd cyfle i chi ofyn cwestiynau fel rhan o'r sesiynau hyn. Bydd sesiynau wyneb yn wyneb ac ar-lein yn cael eu cynnig.
- Bydd swyddogion y Cyngor yn cwrdd â Chorff Llywodraethu a staff (yn ôl yr angen) yr ysgolion sydd wedi'u cynnwys fel rhan o'r cynigion hyn.
- Gallwch hefyd ysgrifennu at y Cyngor i roi eich barn.

Mae dyddiadau'r cyfarfodydd ymgynghori wedi eu nodi isod:

Tabl 2: Dyddiadau Cyfarfodydd Ymgynghori

Natur yr ymgynghoriad	Dyddiad/Amser	Lleoliad
Sesiwn galw heibio	Dydd Iau 19 Chwefror 2026 9:30am - 11:30am	Hyb Llanisien
Sesiwn galw heibio	Dydd Gwener 27 Chwefror 2026 10:30am -12:30pm	Hyb Trelái a Chaerau
Sesiwn galw heibio	Dydd Gwener 6 Mawrth 2026 11:30am - 1:30pm	Hyb STAR
Sesiwn galw heibio	Dydd Llun 9 Mawrth 2026 12 noon - 2pm	Canolfan Ddiwylliant a'r Cyfryngau Loudon
Sesiwn galw heibio	Dydd Mercher 18 Mawrth 2026 11am - 1pm	Hyb Llaneirwg
Sesiwn galw heibio ar-lein	Dydd Mercher 18 Chwefror 2026 12 noon - 1pm	Teams
Sesiwn galw heibio ar-lein	Dydd Llun 23 Chwefror 2026 1pm - 2pm	Teams
Sesiwn galw heibio ar-lein	Dydd Mawrth 24 Chwefror 2026 2pm - 3pm	Teams
Sesiwn galw heibio ar-lein	Dydd Llun 2 Mawrth 2026 5pm - 6pm	Teams
Sesiwn galw heibio ar-lein	Dydd Gwener 13 Mawrth 2026 12:30pm - 1:30pm	Teams
Cyfarfod cyhoeddus (wyneb yn wyneb)	Dydd Iau 19 Mawrth 2026 5:30pm - 6:30pm	Y Llyfrgell Ganolog

Sut gallaf roi fy barn?

Mae eich barn yn bwysig ac rydym yn awyddus i chi ddweud wrthym beth rydych yn ei feddwl am y newidiadau rydym wedi eu hawgrymu yn y ddogfen hon.

Gallwch wneud hyn drwy:

- Ymuno â sesiwn galw heibio wyneb yn wyneb. Nid oes angen i chi archebu ymlaen llaw ar gyfer y sesiynau hyn. Dim ond mynd i'r lleoliad ar y dyddiad a'r amser a bennir
- Ymuno â sesiwn galw heibio ar-lein. Cysylltwch â ni drwy e-bostio ymatebionysgolion@caerdydd.gov.uk i gadarnhau pa sesiwn yr hoffech chi fynd iddi a byddwn yn anfon dolen atoch ynghyd â chyfarwyddiadau ar sut i fynd i'r cyfarfod hwn.
- Mynychu'r cyfarfod cyhoeddus wyneb yn wyneb. Cysylltwch â ni drwy e-bost i ymatebionysgolion@caerdydd.gov.uk gan nodi pa gyfarfod yr hoffech ei fynychu, a byddwn yn ymateb i gadarnhau'r trefniadau.
- Llenwi'r ffurflen ymateb electronig y gallwch ddod o hyd iddi yn [Darpariaethau Anghenion Dysgu Ychwanegol \(ADY\)](#)

- Argraffu a llenwi'r ffurflen ymateb i'r ymgynghoriad, y gallwch ddod o hyd iddi yn [Darpariaethau Anghenion Dysgu Ychwanegol \(ADY\)](#) a dychwelyd y ffurflen drwy'r post i Dîm Cynllunio Trefniadaeth Ysgolion, Ystafell 463, Neuadd y Sir, Caerdydd, CF10 4UW
- Ysgrifennu at y tîm Cynllunio Trefniadaeth Ysgolion drwy e-bostio ymatebionysgolion@caerdydd.gov.uk neu drwy'r post i Ystafell 463, Neuadd y Sir, Caerdydd, CF10 4UW. Gall hyn gynnwys gofyn i swyddog eich ffonio'n ôl os oes gennych gwestiwn penodol y teimlwch yr hoffech gael rhagor o wybodaeth amdano.

Nodwch fod rhaid i bob gohebiaeth ysgrifenedig neu drwy e-bost gynnwys enw llawn a chyfeiriad llawn y person sy'n cyflwyno'r sylwadau.

Y dyddiad cau ar gyfer ymatebion i'r ymgynghoriad hwn yw 26 Mawrth 2026.

Yn anffodus, ni fyddwn yn gallu ystyried unrhyw ymatebion i'r ymgynghoriad a dderbynnir ar ôl y dyddiad hwn.

Pam rydyn ni'n cynnig y newidiadau hyn?

Mae gan y Cyngor nifer o strategaethau sy'n cefnogi'r cynigion hyn.

Cryfach Tecach Gwyrddach

Nod polisi 'Cryfach, Tecach, Gwyrddach' y Cyngor yw gwella addysg i leihau tlodi, hyrwyddo ffyniant hirdymor, a chefnogi dysgwyr sy'n agored i niwed gydol eu haddysg. Mae modd gweld Cryfach, Tecach, Gwyrddach yn [Cryfach Tecach Gwyrddach](#)

Caerdydd 2030

Nod gweledigaeth Caerdydd 2030 yw rhoi mynediad teg i addysg i bob plentyn a pherson ifanc, gan eu helpu i ffynnu a chyflawni eu huchelgeisiau. Mae'n canolbwyntio ar oresgyn rhwystrau i'r dysgwyr hynny sy'n wynebu'r heriau mwyaf.

Mae gweledigaeth Caerdydd 2030 ar gael i'w gweld yn caerdydd.gov.uk/caerdydd2030

Strategaeth Cynhwysiant

Nod y Strategaeth Gynhwysiant yw sicrhau bod ysgolion yng Nghaerdydd yn cynnwys pawb fel y gall y rhan fwyaf o ddysgwyr ag Anghenion Dysgu Ychwanegol ffynnu yn eu hysgolion prif ffrwd lleol. Mae darpariaeth arbenigol hefyd ar gael pan fo angen i gefnogi dysgwyr orau.

Mae Strategaeth Cynhwysiant Caerdydd ar gael i'w gweld yn [Strategaeth Cynhwysiant Addysg](#)

Strategaeth Buddsoddi Addysg Caerdydd 2024 – 2033

Mae Strategaeth Buddsoddi Addysg Caerdydd 2024–2033 yn cyflwyno cynllun hirdymor i wella system addysg Caerdydd yn unol â blaenoriaethau lleol a chenedlaethol. Mae'n canolbwyntio ar ddysgu teg, uchelgeisiol a chynaliadwy.

Mae Strategaeth Buddsoddi Addysg Caerdydd 2024 – 2033 ar gael i'w gweld yn [Strategaeth Buddsoddi Addysg 2024 i 2033](#)

Rhaglen Dreigl Cymunedau Dysgu Cynaliadwy 2024-2033 Caerdydd

Mae Rhaglen Dreigl Cymunedau Dysgu Cynaliadwy Caerdydd 2024-2033 yn gynllun i wella ysgolion yng Nghaerdydd. Mae'n anelu at wneud addysg yn well trwy wario arian ar adeiladau ysgol i'w gwneud yn fwy modern ac addas i bawb.

Cynllun Strategol Cymraeg mewn Addysg (CSCA) Caerdydd

Nod Cynllun Strategol Cymraeg mewn Addysg Caerdydd yw helpu Llywodraeth Cymru i gyrraedd ei tharged o filiwn o siaradwyr Cymraeg erbyn 2050. Mae'n gwneud hyn drwy greu mwy o gyfleoedd i ddysgu yn Gymraeg, cefnogi dysgwyr ag anghenion ychwanegol, a hyfforddi mwy o athrawon i addysgu yn Gymraeg.

Mae Cynllun Strategol Cymraeg mewn Addysg Caerdydd ar gael i'w weld yn [Cynllun Strategol Cymraeg mewn Addysg Caerdydd.pdf](#)

Digonolrwydd yn y Sector Arbennig

Mae Cyngor Caerdydd wedi ymrwymo i egwyddorion cynhwysiant.

Mae'r rhan fwyaf o ddysgwyr ag Anghenion Dysgu Ychwanegol (ADY) yn mynychu ysgol brif ffrwd leol, ac yn cael cefnogaeth Darpariaeth Ddysgu Ychwanegol (DDdY). Mae dysgwyr sydd ag anghenion mwy difrifol neu gymhleth yn mynychu ysgol arbennig neu Ganolfan Adnoddau Arbenigol.

Mae ysgol arbennig yn ysgol i blant a phobl ifanc ag angen dysgu ychwanegol neu anabledd, na ellir diwallu eu hanghenion mewn ysgol brif ffrwd. Mae dysgwyr yn elwa o gwricwlwm arbenigol a addysgir gan athrawon arbenigol a chynorthwywyr cymorth dysgu.

Mae Canolfan Adnoddau Arbenigol yn ddisbarth bach mewn ysgol brif ffrwd i ddisgyblion ag Anghenion Dysgu Ychwanegol sylweddol. Caiff y disgyblion eu haddysgu gan athrawon arbenigol a chynorthwywyr cymorth dysgu, a chânt gyfleoedd i ddysgu, chwarae neu gymdeithasu â disgyblion prif ffrwd eraill.

Mae nifer y dysgwyr sydd ag anghenion difrifol a chymhleth, sydd angen lle mewn ysgol arbennig neu Canolfan Adnoddau Arbenigol wedi parhau i dyfu.

Mae hyn oherwydd:

- Cyfraddau goroesi gwell i blant sy'n cael eu geni ag anableddau sylweddol, gan arwain at nifer uwch o ddysgwyr ag anableddau difrifol a chymhleth.
- Mwy o gymhlethdod o ran anghenion, sydd wedi golygu bod y galw am ddarpariaeth arbenigol wedi parhau i dyfu.
- Mwy o blant ag anghenion penodol fel Awtistiaeth, ADCG, anableddau corfforol a namau synhwyraidd.
- Mwy o blant a phobl ifanc ag anghenion iechyd a lles emosiynol. Roedd hyn yn duedd cyn COVID 19 ond mae wedi'i waethgu gan gau ysgolion a mesurau eraill i reoli'r pandemig.

Darpariaeth bresennol

Ar hyn o bryd pedair ysgol arbennig a deuddeg Canolfan Adnoddau Arbenigol i ddysgwyr ag Anghenion Dysgu Cymhleth

Er bod nifer o leoliadau arbenigol ledled Caerdydd ar hyn o bryd, nid oes digon o leoedd ar gael. Mae nifer y plant a fyddai'n elwa o le wedi cynyddu dros y blynyddoedd diwethaf ac amcanestynol y bydd y niferoedd yn cynyddu ymhellach dros y blynyddoedd nesaf.

Gan nad oes digon o leoedd ysgol arbennig na Chanolfannau Addysg Arbenigol yng Nghaerdydd, mae'r Cyngor hefyd wedi ariannu rhai lleoedd mewn ysgolion arbennig mewn ardaloedd cyngorau eraill neu mewn ysgolion annibynnol.

Cyfanswm y gwariant ar y lleoedd hyn i ddysgwyr o bob oed oedd £15.4m yn 2024/25. Ar hyn o bryd, mae'r gyllideb ar gyfer 2025/26 ar gyfer y mathau hyn o leoedd wedi'i phennu ar £16.9m.

Byddai ehangu darpariaeth a gynhelir gan y Cyngor yn fwy cost-effeithiol na dibyniaeth barhaus ar leoedd mewn ysgolion annibynnol.

Dosbarthiad daeryddol darpariaeth arbenigol

Mewn rhai ardaloedd yng Nghaerdydd nid oes digon o leoedd arbenigol i gefnogi dysgwyr ag Anghenion Dysgu Ychwanegol. Gall hyn beri anfantaes i ddysgwyr sy'n byw yn yr ardaloedd hynny.

Mae rhai teuluoedd yn anghyfarwydd â'r ardaloedd lle mae darpariaeth wedi'i lleoli neu efallai na fyddant yn gallu teithio'n hawdd i'r ardaloedd hynny.

Er bod trafndiaeth am ddim o'r cartref i'r ysgol ar gael i blant o'r fath, mae anfon plentyn ifanc i'r ysgol mewn ardal anghyfarwydd yn benderfyniad anodd i rieni/gofalwyr.

Byddai dosbarthiad gwell o leoedd arbenigol ledled y ddinas yn gwella mynediad i ddisgyblion. Byddai'n lleihau amseroedd teithio i lawer o ddisgyblion, yn ogystal â chynyddu nifer y lleoedd sydd ar gael.

Galw am leoedd


Mae'r Cyngor wedi ymrwymo i ddatblygu a chynyddu'r ddarpariaeth ymhellach ar gyfer dysgwyr ag Anghenion Dysgu Ychwanegol mewn darpariaeth arbenigol lle mae lleoliadau parhaol yn briodol.

Mae datblygu cynigion wedi'i flaenoriaethu i sicrhau bod cydbwysedd priodol yn nifer a math y lleoedd arbenigol ar gyfer dysgwyr Caerdydd.


Byddai'r cynigion hyn yn darparu 262 o leoedd arbenigol Anghenion Dysgu Cymhleth parhaol ychwanegol.

Byddai pob un o'r ysgolion yn derbyn buddsoddiad i sicrhau bod ystafelloedd dosbarth a chyfleusterau cymorth priodol i'r dysgwyr i'w lleoli yn yr ysgol.

Darpariaeth ADY Arbenigol Caerdydd 2025/26



This copy is produced specifically to supply County Council information. No further copies may be made. Every copy has each geographic element geotagged with a unique ID. All rights reserved. © Crown copyright and database rights 2017. Ordnance Survey A2000016513. © Hordern & Co. or its licensors 2017. All rights reserved. A2000016513.

A photograph of a classroom scene with a teacher and students. The teacher, a woman with curly hair, is standing and smiling while looking at a tablet held by a student. Other students are seated at a table, also looking at tablets. The entire image is overlaid with a semi-transparent red filter. A white-bordered box is centered over the image, containing the title text.

**Ysgolion yr
effeithir arnynt
gan y newidiadau
arfaethedig**

Cynnig i sefydlu Canolfan Adnoddau Arbenigol Anghenion Dysgu Cymhleth yn Ysgol Gynradd Adamsdown

Mae Ysgol Gynradd Adamsdown yn ysgol gynradd gymunedol Saesneg gyda darpariaeth feithrin wedi'i lleoli yn System Street, Adamsdown, Caerdydd, CF24 0JF.



Mae'r ysgol yn derbyn hyd at 60 o ddysgwyr fesul grŵp blwyddyn ac mae ganddi 80 o leoedd meithrin.

Er mwyn ateb y galw am ddarpariaeth gynradd arbenigol, mae'r Cyngor yn cynnig:

- sefydlu Canolfan Adnoddau Arbenigol newydd i ddysgwyr ag Anghenion Dysgu Cymhleth, â lle i 10, yn Ysgol Gynradd Adamsdown o fis Ionawr 2027.

Cynigir y byddai'r ganolfan newydd yn cael ei lletya yn adeiladau presennol yr ysgol.

Cynnig i sefydlu Canolfan Adnoddau Arbenigol Anghenion Dysgu Cymhleth yn Ysgol Gynradd Pencaerau

Mae Ysgol Gynradd Pencaerau yn ysgol gynradd gymunedol Saesneg gyda darpariaeth feithrin wedi'i lleoli yn Cyntwell Ave, Caerau, Caerdydd, CF5 5QN.



Mae'r ysgol yn derbyn hyd at 60 o ddysgwyr fesul grŵp blwyddyn ac mae ganddi 80 o leoedd meithrin.

Er mwyn ateb y galw am ddarpariaeth gynradd arbenigol, mae'r Cyngor yn cynnig:

- sefydlu Canolfan Adnoddau Arbenigol newydd ag 20 lle i ddysgwyr ag Anghenion Dysgu Cymhleth yn Ysgol Gynradd Pencaerau o fis Ionawr 2027.

Cynigir y byddai'r ganolfan newydd yn cael ei lletya yn adeiladau presennol yr ysgol.

Cynnig i sefydlu Canolfan Adnoddau Arbenigol Anghenion Dysgu Cymhleth yn Ysgol Gynradd Peter Lea

Mae Ysgol Gynradd Peter Lea yn ysgol gynradd gymunedol Saesneg gyda darpariaeth feithrin wedi'i lleoli yn Carter Place, y Tyllgoed, Caerdydd, CF5 3NP.



Mae'r ysgol yn derbyn hyd at 45 o ddysgwyr fesul grŵp blwyddyn ac mae ganddi 80 o leoedd meithrin.

Er mwyn ateb y galw am ddarpariaeth gynradd arbenigol, mae'r Cyngor yn cynnig:

- sefydlu Canolfan Adnoddau Arbenigol newydd ag 20 lle i ddysgwyr ag Anghenion Dysgu Cymhleth yn Ysgol Gynradd Peter Lea o fis Ionawr 2027.

Cynigir y byddai'r ganolfan newydd yn cael ei lletya yn adeiladau presennol yr ysgol.

Cynnig i gynyddu nifer y lleoedd yn Ysgol Arbennig Meadowbank

Mae Ysgol Arbennig Meadowbank yn ysgol arbennig cyfrwng Saesneg ar gyfer disgyblion cynradd sydd ag Anawsterau Lleferydd ac Iaith ac Anghenion Cyfathrebu ac Anghenion Dysgu Cymhleth, sydd wedi ei lleoli ar Heol Colwill, Gabalfa, CF14 2QQ.



Er mwyn ateb y galw cynyddol am leoedd ysgolion arbennig cynradd i ddysgwyr ag Anghenion Dysgu Cymhleth, cynigir:

- cynyddu'r nifer dynodedig yn Ysgol Arbennig Meadowbank o 98 i 110 o fis Ionawr 2027.

Cynigir y byddai'r disgyblion ychwanegol yn cael eu lletya yn yr adeiladau ysgol presennol.

Cynnig i gynyddu nifer y lleoedd yn Ysgol Arbennig Tŷ Gwyn a throsglwyddo'r ysgol i adeilad newydd yn Nhŷ Glas

Mae Ysgol Arbennig Tŷ Gwyn yn ysgol arbennig cyfrwng Saesneg i ddysgwyr cynradd ac uwchradd ag Anawsterau Dysgu Dwys a Lluosog, Anawsterau Dysgu Difrifol, Awtistiaeth, ac Anghenion Meddygol Cymhleth wedi'i lleoli yn Vincent Road, Caerau.



Er mwyn ateb y galw cynyddol am leoedd ysgolion arbennig cynradd i ddysgwyr ag Anghenion Dysgu Cymhleth, cynigir:

- cynyddu capasiti Ysgol Arbennig Tŷ Gwyn o 240 i 300 o leoedd, gan ddefnyddio'r adeiladau presennol a'r adeilad gwag yn Ysgol Arbennig Riverbank, Vincent Road, Trelái ar gyfer cyfnod pontio o fis Ionawr 2027.
- Byddai'r ysgol estynedig yn trosglwyddo i adeilad newydd ar safle Tŷ Glas yn Llanisien gyda chynnydd pellach mewn capasiti i 320 o leoedd o fis Medi 2030.

Cynnig i gynyddu nifer y lleoedd yn Ysgol Uwchradd Woodlands

Mae Ysgol Uwchradd Woodlands yn ysgol arbennig cyfrwng Saesneg i ddysgwyr uwchradd ag Anghenion Dysgu Cymhleth a/neu Awtistiaeth sydd wedi'i lleoli yn Vincent Road, Caerau.



Bydd yr ysgol yn trosglwyddo i'r safle newydd ar Gampws Cymunedol y Tyllgoed, Y Tyllgoed o fis Medi 2026.

Er mwyn ateb y galw cynyddol am leoedd mewn ysgolion arbennig uwchradd i ddysgwyr ag Anghenion Dysgu Cymhleth a/neu Awtistiaeth, cynigir:

- cynyddu capasiti Ysgol Uwchradd Woodlands o 240 i 300 o leoedd o fis Ionawr 2027.
- Byddai'r ysgol ar draws dau safle gan gynnwys safle Campws Cymunedol y Tyllgoed a'r safle campws presennol ar Vincent Road.
- Byddai capasiti'r ysgol yn cael ei gynyddu ymhellach i 360 o leoedd o fis Medi 2032 ar ôl cwblhau'r adeilad newydd ar safle campws Vincent Road.

Manteision y newidiadau arfaethedig

Er mwyn cefnogi ehangu darpariaeth arbenigol, mae'r cynigion yn:

- Defnyddio adeiladau ysgol presennol lle bo'n bosibl
- Cydweddu nifer y lleoedd prif ffrwd yn well â'r galw lleol a lleihau lleoedd sbâr

Byddai'r cynigion hefyd yn:

- Cynyddu nifer y lleoedd i ddysgwyr sydd ag Anghenion Dysgu Cymhleth a helpu i gwrdd â'r galw yn y dyfodol
- Gwneud y defnydd gorau o'r adeiladau ysgol presennol lle bo hynny'n bosibl
- Lleihau'r angen am leoliadau y tu allan i'r sir trwy ddarparu mwy o leoedd yng Nghaerdydd
- Cynnig mwy o leoedd i ddysgwyr ag Anghenion Dysgu Ychwanegol yn agos i'w cartrefi, fel eu bod yn treulio llai o amser yn teithio a gall teuluoedd chwarae mwy o ran
- Gwella lles dysgwyr, drwy wneud manau presennol yn haws i'w cyrraedd ac yn fwy cynhwysol i ddysgwyr ag Anghenion Dysgu Ychwanegol
- Caniatáu i'r newidiadau ddigwydd fesul cam a gwneud hi'n bosibl newid y defnydd ar y manau eto yn y dyfodol os bydd niferoedd y dysgwyr yn mynd i fyny neu i lawr
- Osgoi'r angen am brosiectau adeiladu mawr, sy'n cefnogi targedau cynaliadwyedd

Anfanteision posibl y newidiadau arfaethedig

- Gall newid fod yn anodd i rai disgyblion ag Anghenion Dysgu Ychwanegol. Efallai y byddai symud i adeilad newydd ar safle newydd yn peri gofid iddynt. Gwyddom y bydd angen cymorth wedi'i gynllunio'n ofalus arnynt i addasu i'r lleoliad newydd. Fodd bynnag, byddai digon o amser a phrosesau hirhoedlog i gynllunio a chefnogi newid o'r fath.
- Gallai fod mwy o dagfeydd traffig o amgylch safleoedd ysgol ar ddechrau a diwedd y diwrnod ysgol. Byddai'r Cyngor yn gweithio gyda Chyrff Llywodraethu'r ysgolion i ddatblygu Cynllun Teithio i leihau unrhyw darfu posibl.

Risgiau

- Os oes angen gwaith adeiladu neu adnewyddu, gallai problemau godi sy'n oedi'r gwaith. Gallai hyn ddigwydd os yw'n anodd dod o hyd i'r contractwyr cywir, os yw'r prosiect yn cymryd mwy o amser na'r disgwyl, neu os nad oes digon o gyllid. Fodd bynnag, mae gan y Cyngor lawer o brofiad o reoli prosiectau adeiladu ysgolion, felly mae'n barod iawn i ddelio ag unrhyw broblemau a allai godi.

Ansawdd a Safonau

Mae'r Cyngor yn gweithio'n agos gyda chyrff llywodraethu ysgolion i sicrhau bod safonau ysgolion yn uchel, bod yr addysgu'n dda a'r arweinyddiaeth a'r llywodraethiant yn gryf.

Mae'r safonau yn y pum ysgol sydd wedi'u cynnwys yn y newidiadau arfaethedig yn dda.

Gellir dod o hyd i adroddiad diweddaraf Estyn ar gyfer pob ysgol drwy ddilyn y dolenni isod.

- [Adroddiad arolygiad Ysgol Gynradd Adamsdown 2023](#)
- [Adroddiad arolygiad Ysgol Gynradd Pencaerau 2019](#)
- [Adroddiad arolygiad Ysgol Gynradd Peter Lea 2018](#)
- [Adroddiad arolygiad Ysgol Arbennig Meadowbank 2019](#)
- [Adroddiad arolygiad Ysgol Arbennig Tŷ Gwyn Ffederasiwn Dysgu'r Gorllewin 2023](#)
- [Adroddiad arolygiad Ysgol Uwchradd Woodlands Ffederasiwn Dysgu'r Gorllewin 2023](#)

Beth fyddai'r effaith ar gymorth i ddisgyblion?

Byddai'r ysgol yn parhau i gynnig cymorth sy'n briodol i anghenion pob disgybl yn unigol.

Nid oes unrhyw wybodaeth i awgrymu y ceid effaith negyddol ar anghenion unrhyw un o'r grwpiau isod gan y newidiadau arfaethedig:

- Dysgwyr sydd ag Anghenion Dysgu Ychwanegol
- Dysgwyr sy'n siarad Saesneg fel Iaith Ychwanegol
- Dysgwyr sy'n derbyn Prydau Ysgol Am Ddim
- Dysgwyr Lleiafrifoedd Ethnig

Trefniadau Teithio Dysgwyr a Thraffig a Thrafnidiaeth

Gweler polisi trafndiaeth y Cyngor ar wefan y Cyngor www.caerdydd.gov.uk

Rhaid i'r Cyngor ddarparu trafndiaeth am ddim o'r cartref i'r ysgol i ddisgyblion cynradd sy'n byw 2 filltir neu fwy o'r ysgol addas agosaf ac i ddisgyblion uwchradd sy'n byw 3 milltir neu fwy o'r ysgol addas agosaf, fel y mesurir yn ôl y llwybr cerdded byrraf sydd ar gael.

Mae'r Cyngor yn darparu trafndiaeth o'r cartref i'r ysgol am ddim i ddysgwyr ysgolion arbennig a Chanolfannau Adnoddau Arbenigol ar sail yr uchod. Gall rhai disgyblion sy'n byw o fewn 2–3 milltir i'r ysgol hefyd gael cludiant am ddim oherwydd anghenion unigol neu broblemau cymdeithasol.

Pe bai'r cynigion yn cael eu gweithredu, byddai'r rhan fwyaf o ddisgyblion ysgolion arbennig yn dal i fod yn gymwys i gael cludiant am ddim o'r cartref i'r ysgol. Fodd bynnag, efallai y bydd gan rai dysgwyr bellteroedd teithio byrrach oherwydd darpariaeth arbenigol fwy lleol. Gallai hyn ganiatáu i rai deithio'n annibynnol. Mae'r Cyngor yn cefnogi dysgwyr gyda Hyfforddiant Teithio Annibynnol a hyfforddiant beicio. Mae hefyd yn cynllunio llwybrau trafndiaeth gyhoeddus symlach sy'n cefnogi teithio llesol a chynaliadwy.

Bydd angen manau gollwng a chasglu addas ar bob lleoliad ysgol ar y safle ar gyfer cerbydau Cludiant Dysgwyr.

Rhaid i'r ardaloedd gollwng a chasglu fod yn ddigon mawr ar gyfer y nifer priodol o gerbydau. Mae hyn fel arfer yn un tacsï i bob tri dysgwr. Weithiau gellir defnyddio bysiau mini, yn dibynnu ar anghenion y dysgwyr, ble maen nhw'n byw, a sut mae llwybrau yn cael eu cydlynu.

Datblygu'r Gweithlu Addysg

Bydd twf arfaethedig y lleoedd arbenigol yn effeithio ar faint o staff sydd eu hangen. Wrth i fwy o ddysgwyr symud i ysgolion arbenigol, bydd angen llai o staff ar rai ysgolion prif ffrwd. Bydd mwy o swyddi yn cael eu creu yn y ddarpariaeth arbenigol newydd. Bydd cyfleoedd i'r Cyngor greu rolau newydd ar gyfer staff presennol, gan gynnwys athrawon, Cynorthwyr Addysgu Lefel Uwch, Cynorthwyr Addysgu, Goruchwylwyr Canol Dydd a staff cymorth eraill.

Mae gan y Cyngor Grŵp Datblygu'r Gweithlu gyda rhanddeiliaid sy'n cefnogi recriwtio, hyfforddi a chadw staff ysgolion. Mae'r grŵp yn gweithio'r modelau staffio gorau ar gyfer dysgwyr ym mhob darpariaeth arbenigol.

Beth sy'n digwydd nesaf?

Dyddiadau Allweddol

Bydd y Cyngor yn casglu ac yn crynhoi'r adborth a ddaw o'r ymgynghoriad hwn. Yna bydd swyddogion y Cyngor yn adrodd hyn wrth Gabinet y Cyngor. Bydd hyn yn helpu'r aelodau etholedig i ddeall barn rhanddeiliaid a bydd yn rhoi gwybodaeth iddynt i'w helpu i wneud eu penderfyniad.

Os bydd y Cabinet yn penderfynu parhau â'r cynigion, rhaid iddo gyhoeddi dogfen o'r enw 'hysbysiad statudol'. Mae'r hysbysiad statudol yn nodi manylion y cynigion ac yn gofyn i unrhyw un sydd am wrthwynebu wneud hynny. Rhaid i wrthwynebiadau fod yn ysgrifenedig. Rhaid eu hanfon i'r Cyngor o fewn y dyddiadau a nodir ar yr hysbysiad.

Gall y Cabinet benderfynu cymeradwyo neu wrthod y cynnig, neu ei gymeradwyo â rhai newidiadau (addasiadau). Byddai'r Cyngor yn ystyried unrhyw wrthwynebiad a ddaeth i law yn ystod y Cyfnod Gwrthwynebu wrth wneud ei benderfyniad.

Ar ôl i benderfyniad gael ei wneud, byddwn yn rhoi gwybod i bawb y mae'r cynnig yn effeithio arnynt. Caiff y penderfyniad ei gyhoeddi hefyd ar wefan y Cyngor.